

انكان المعالج يفيدده العالجه قبل الممات  
بالظما ايصبح متخضب من ادموم الغريب  
لاطمات الروس تبكي والشعور امنشرات  
في مجلسه لو داخل البيت  
اخليصك فوق الثرا ميت  
لا جيتني أو لا جان فريت  
راحت رجاجيلي<sup>(٢)</sup> أو ذليت  
قلي أو خبرني وقع وين  
نادي عليها أو جذب لونين  
يخليفة الست النساءوين  
ما ظن على اخليصك تلحقين  
لمي يزينب هالخواتين  
يهجموا عليكم بالصواوين  
صرتوا بعد عينه ذليلين  
هذا الحجى يا مهر خله  
ابا روح إلى راعي المجله  
ميرضى يخليني ابذله  
خليصك يحزونه ابرمله  
مات الولي والشمل فله  
لله خطب ما اجله  
مصابك فلا واحد يحمله  
يا مهر بسك من هالجواب  
أو قلبي عليه اتفطر أو ذاب  
وتقول لي راحت الأحباب  
رأسي تراهو امن الحزن شاب

انسايه في وين مرمي خامس اصحاب الكسا  
وصلوا عنده أو شافوا المهر في حال المريب  
من نظرن الحرم صاحن بالكابة والنحيب  
يا مهر وين احسين خليت  
قلها تركته بالشرا أو جيت  
قالت المحزونة اتمنيت  
ولا كربلاء يا اليوم طببت  
يا مهر خبرني عن احسين  
ابا روح إله ويا النساءوين  
يمخدره خير الرصيين  
خليصك وقع وسط الميادين  
بيحول بينا أو بينك البين  
بعد ساع بيجوك الملاعين  
يسلبونكم يعزيزة احسين  
قالت أو مدمعها تهله  
حطيت وسط القلب على  
أو لو هو على الرمضا امخلا  
نادي عليها بالملذلة  
قلبه خرق له ابسهم خولى  
صبري لضيم الدهر كله  
حماج يزينب من بعد له  
نادت أو دمع العين سكاب  
قلبي اتفطر من هالعتاب  
تجيني أو تخبرني ابها لمصاب  
أو صرتي ذليلة أبولية اجناب

(٢) رجاجيلي: رجالي